



Pentadbiran dan Politik

Pemahaman Petikan (Kertas 1)

Bahagian A

Baca sajak di bawah dengan teliti dan jawab soalan-soalan yang berikutnya.

Roti

Dari cerobong dapur
asap berjelaga berkepul
terkecur liur
harum berbau juadah tersohor.

Perut yang lapar
selera kian meggelepar
menanti roti dibakar
rangup dan segar
terhidang seumpama permaidani terhampar.

Kalau roti di depan mata
nafsu makan pun bergelora
berkeping-keping menggegar selera
perut pun kenyang terasa
tenang bersendawa.

Bagi pemilik iman di dada
sendawa itu tidak sempurna
masih ada beban di bahu mereka
warga miskin belum terbela
masih merintih lapar dahaga.

Bila begitu selamanya
kalimah syukur pun jelas tertera
di hati sanubari warga dunia
melangit damai dirasa
percikan iman segar berwarna.

(Dipetik daripada antologi *Baik Budi, Indah Bahasa*, Tingkatan 2, Kementerian Pendidikan Malaysia)

- 1 Mengapakah perut berasa lapar?
 - A Nafsu yang bergelora
 - B Tercium bau roti bakar
 - C Menanti roti yang dibakar rangup dan segar
 - D Melihat beberapa kepingan roti bakar yang dihidangkan
- 2 Apakah maksud yang ingin disampaikan dalam rangkap kelima sajak di atas?
 - A Mengharapkan sesuatu yang belum pasti
 - B Menginginkan sesuatu yang besar tetapi tidak mempunyai keupayaan
 - C Jika seseorang itu beriman maka dia harus bersyukur dengan nikmat dan kemewahan yang diperoleh
 - D Orang yang kaya masih tidak sempurna iman mereka jika tidak memikul tanggungjawab untuk membantu orang yang memerlukan
- 3 Aspek bentuk bagi rangkap kelima yang berikut adalah betul, **kecuali**
 - A rima akhir bagi rangkap ini ialah *aaaab*.
 - B rangkap ini terdiri daripada lima baris.
 - C bilangan patah kata bagi baris pertama ialah tiga patah kata.
 - D bilangan suku kata bagi baris keempat ialah lapan suku kata.
- 4 Apakah pengajaran bagi sajak di atas?
 - A Kita mestilah bersyukur dengan nikmat kurniaan Tuhan
 - B Kita hendaklah mengenang jasa orang yang telah berbudi kepada kita
 - C Kita haruslah bersikap baik hati untuk mengukuhkan ikatan antara anggota keluarga
 - D Kita mestilah mengelakkan diri daripada melakukan perkara yang haram supaya hidup kita tidak binasa
- 5 Yang berikut merupakan pengajaran yang terdapat dalam sajak *Roti*, **kecuali**
 - A kita hendaklah bersyukur terhadap pemberian Tuhan.
 - B kita hendaklah membantu orang lain yang kurang berkemampuan.
 - C kita hendaklah sentiasa mengenang jasa orang lain yang pernah membantu kita.
 - D kita hendaklah menjadi masyarakat yang bertanggungjawab membantu orang lain yang memerlukan